



UNIVERSITÄTS-
BIBLIOTHEK
PADERBORN

Universitätsbibliothek Paderborn

Sancti Hieronymi Stridonensis, Sanctae Romanae Ecclesiae Presbyteri Cardinalis Epistolae In Tres Libros distributae

Hieronymus, Sophronius Eusebius

Coloniae Agrippinae, 1674

V. Ad eundem. In ea mihi parte.

urn:nbn:de:hbz:466:1-37862

Hieronij-
anis. mor.

Pf. 145.
Zsa. 66.

Roan. II.

becillitas oculorum meorum terre sustineat. Illi
modò se lavit, & mundus est, & tanquam nix de
albus: ego cunctis peccatorum sordibus inquinatus
natus. diebus ac noctibus opperior cum tremore
reddere novissimum quadrantem. Sed tamen
quia Dominus solvit compeditos, & super humi-
lem & trementem verba sua requiescit, forsitan
mihi in sepulchro scelerum jacenti dicat, Hiero-
nyme, veni foras. Sanctus presbyter Evagrius
plurimum te salutat, & Martinianum fratrem
juncto salutamus obsequio, quem ego videre de-
siderans, catenâ languoris innector.

V. Hieronymus eidem Florentio, Ad scriben-
dum hortatur amicum, & mitti qua-
dam postulas.

IN ea mihi parte eremi commoranti, quæ juxta
Syriam Saracenis jungitur, dilectionis tuæ scri-
ptæ perlata sunt. Quibus lectis ita reaccensus est
animus Hierosolyman proficiscendi, ut penè no-
cuerit proposito, quod profuerat charitati. Num
igitur quomodo valeo, pro me tibi literas repre-
sento: etsi corpore absens, amore tamen & spiri-
tu venio, impendio exposcens, ne nascentes ami-
citas, quæ Christi glutino cohæserunt, aut tem-
poris, aut locorum magnitudo divellat, quin po-
tius fœderemus eas reciprocis epistolis. Hæc inter
nos errant, illæ sibi obviant, illæ nobiscum lo-
quantur. Non multum perditura erit charitas,
tali secum sermone fabuletur. Rufinus autem
frater, ut scribis, necdum venit: & si venerit, non
multum proderit desiderio meo, cum eum jam
visu

visurus non sim Ita enim & ille longo à me inter-
 vallo separatus est, ut huc non possit excurrere:
 & ego arreptæ solitudinis terminis arceor, ut
 cæperit jam mihi non licere quod volui. Inter-
 pretationem quoque Psalmorum Davidicorum,
 & prolixum valdè librum de Synodis sancti Hi-
 larii, quem ei apud Treviros manu mea ipse
 descripseram, ut mihi transferas, peto. No-
 sti hoc esse Christianæ animæ pabulum, si in
 lege Domini meditetur die ac nocte. Cæteros
 hospitio recipis, solatio foves, sumptibus jvas.
 Mihi si rogata præstiteris, multa * largitus es.
 Et quoniam largiente Domino multis sacræ bi-
 bliothecæ codicibus abundamus, impera vicil-
 sim: quodcunque vis, mittam. Nec putes mi-
 hi grave esse, si jubeas. Habeo enim alumnos,
 qui antiquariæ arti serviunt. Neque verò bene-
 ficium pro eo, quod polliceor, postulo.

*Liber
Hilarij.*

* alias
cuncta.

* alias,
qui anti-
qua me
avis et
dicitur.

*VI. Hieronymus Antonio Monacho, commendans hu-
 militatis vitam, & illum ad scribendam offi-
 cium provocans.*

Dominus noster humilitatis magister, disce-
 prantibus de dignitate discipulis, unum ap-
 prehendit è parvulis, dicens: Quicumque ve-
 strum non fuerit conversus sicut infans, non po-
 test introire in regnum cælorum. Quod ne tan-
 tum docere, nec facere videretur, implevit ex-
 emplo, dum discipulorum pedes lavat, dum tra-
 ditorem osculo excipit, dum loquitur cum Sama-
 ritana, dum ad pedes sibi sedente Mariâ, de cælo-
 rum disputat regno, dum ab inferis resurgens pri-

Matt. 18.

*Christi
humili-
tas.*

*Joan 33.
Matt. 26.*